


欽定四庫全書

子部

備急千金要方卷六十二



詳校官太醫院恩糧臣袁天錫

編修臣倉聖脈覆勘

四氣鼻空在外膀胱漏泄

黃帝曰夫五臟各一名一形腎乃獨兩何也岐伯曰膀胱為腑有二處腎亦二形應腑有二處臟名一腑名二故五臟六腑也一說腎有左右而膀胱無二今用當以左腎合膀胱右腎合三焦

左手關後尺中陽絕者無膀胱脉也病苦逆冷婦人月使不調王月則閉男子失精尿有餘瀝刺足少陰經治陰在足內踝下動脉是也

右手關後尺中陽絕者無子戶脉也病苦足逆寒絕產帶下無子陰中寒刺足少陰經治陰

左手關後尺中陽實者膀胱實也病苦逆冷脅下邪氣相引痛刺足太陽經治陽在足小趾外側本節後陷中右手關後尺中陽實者膀胱實也病苦小腹滿引腰痛刺足太陽經治陽

病先發於膀胱者背脊筋痛小便閉五日之腎小腹腰痛痛脛痠一日之小腸脹一日之脾閉塞不通身痛體

重二日不已死冬雞鳴夏下晡

一云日夕

膀胱病者小腹偏腫而痛以手按之則欲小便而不得
肩上熱若脉陷及足小趾外側及脛踝後皆熱若脉陷
取委中

膀胱脹者小腹滿而氣癢

睛前受病傳於膀胱腎欬不已欬則遺溺

厥氣客於膀胱則夢遊行

腎應骨密理厚皮者三焦膀胱厚粗理薄皮者三焦膀胱

膀胱薄腠理疎者三焦膀胱緩急皮而無毫毛者三焦膀胱急毫毛美而粗者三焦膀胱直稀毫毛者三焦膀胱結也

扁鵲云六腑有病徹面形腎膀胱與足少陰太陽為表裏膀胱總通於五臟所以五臟有疾即應膀胱膀胱有疾即應胞囊傷熱則小便不通膀胱急尿管黃赤傷寒則小便數清白或發石水根在膀胱四肢小其腹獨大也

方見治水篇中

骨絕不治齒黃落十日死足太陽之脉起於

目內眥上額交巔上其支者從巔至耳上角其直者從巔入絡腦還出別下項循肩膊內俠脊抵腰中入循膂絡腎屬膀胱其支者從腰中下會於後陰下貫臀入膕中其支者從膕內左右別下貫腓一作過髀樞循髀外後膝下合膕中以下貫腓內出外踝之後循京骨至小指外側是也動則病衝頭痛目似脫項似拔脊痛腰似折髀不可以曲一作膕如結膓如列是為踝厥是主筋所生病者痔瘡狂癩疾頭腦項痛目黃淚出軌衄項背

腰尻脘膈脚皆痛小指不用盛者則人迎大再倍於寸口虛者則人迎反小於寸口也

膀胱虛實第二

脉灸法方

膀胱實熱

左手尺中神門以後脉陽實者足太陽經也病苦逆滿腰中痛不可俛仰勞也名曰膀胱實熱也

右手尺中神門以後脉陽實者足太陽經也病苦胞轉不得小便頭眩痛煩滿脊背強名曰膀胱實熱也

治膀胱實熱方

石膏八兩

梔子仁一作瓜子仁

茯苓

知母各三兩

蜜五合

淡竹葉

生地黄各切一升

右七味攷咀以水七升煮取二升去滓下蜜煮二沸

分三服須利加芒硝三兩

治膀胱熱病不已舌乾咽腫方

蜜七合

升麻

大青各三兩

射干

生玄參

黃蘗

薔薇根白皮

各四兩

右七味以水七升煮取一升去滓下蜜煮二沸細細含之

膀胱虛冷

左手尺中神門以後脉陽虛者足太陽經也病苦脚中筋急腹中痛引腰背不可屈伸轉筋惡風偏枯腰痛外踝後痛名曰膀胱虛冷也

右手尺中神門以後脉陽虛者足太陽經也病苦肌肉

振動脚中筋急耳聾忽忽不聞惡風颼颼作聲名曰膀胱虛冷也

治膀胱虛冷饑不欲飲食面黑如炭腰脅疼痛方

磁石 六兩

黃耆

茯苓 各三兩

五味子

杜仲 各四兩

白朮

白石英 各五兩

右七味咬咀以水九升煮取三升分三服

治膀胱冷欬唾則有血喉鳴喘息方

羊腎 具一

人參

玄參

黃耆

桂心

芎藭

甘草 各三兩

茯苓 四兩

地骨皮

生薑 各五兩

白朮 六兩

右十一味咬咀以水一斗二升先煮羊腎減三升去

腎下藥煮取三升去滓分為三服

龍骨圓治膀胱腎冷坐起欲倒目眈眈氣不足骨痿方

龍骨

栢子仁

乾地黄

甘草

防風 各五分

黃耆

禹餘糧

白石英

桂心

茯苓 各七分

五味子

羌活

人參

附子各六分

山茱萸

玄參

芎藭各四分

磁石

杜仲

乾薑各八分

右二十味為末蜜丸如梧子大空腹酒服三十九日

二加至四十九

治膀胱寒小便數漏精稠厚如米白泔方

赤石脂

白石脂各五分 乾地黄三分

茯苓六分

赤雄雞腸

雞臍脰各兩具

桑螵蛸

牡蠣

龍骨

黃連各四分

右十味治下篩內雞腸及肫脰中縫塞蒸令熟曝乾
合搗為散以酒和服方寸七日三

治膀胱方

灸之如腎虛法

胞囊論第三

論方
灸法

論曰胞囊者腎膀胱候也貯津液并尿若臟中熱病者
胞澀小便不通尿黃赤若腑中寒病者胞滑小便數而
多白若至夜則尿偏甚者夜則內陰氣生故熱則瀉之

寒則補之不寒不熱依經調理則病不生矣

凡尿不在胞中為胞屈僻津液不通以蔥葉除尖頭內陰莖孔中深三寸微用口吹之胞脹津液大通即愈

榆皮通滑泄熱煎治腎熱應胞囊澀熱小便黃赤苦不

通方

榆白皮

赤蜜

葵子

各一升

滑石

通草

各三兩

車前子

五升

右六味咬咀以水三斗煮取七升去滓下蜜更煎取

三升分三服婦人難產亦同此方

滑石湯治膀胱急熱小便黃赤方

滑石

八兩

子芩

三兩

車前子

冬葵子

一升

榆白皮

四兩

右五味㕮咀以水七升煮取三升分三服

治虛勞尿白濁方

右取榆白皮切二斤水二斗煮取五升分五服

又方擣乾羊骨為末服方寸匕日二

又方灸脾輸一百壯 又灸三焦輸百壯 又灸腎輸

百壯 又灸章門百壯在季肋端

凡飽食後或忍小便或走馬或忍小便大走及入房皆致胞轉臍下急滿不通治之之方

右用亂髮急纏如兩拳大燒為末醋四合和二方寸

七服之訖即炒熟黑豆葉蹲坐上

治胞轉方

石韋一兩

葵子

通草

甘草各二兩

鬼箭三

兩

滑石

四兩

榆白皮

一升

右七味㕮咀以水一斗煮取三升分三服

治丈夫婦人胞轉不得小便八九日者方

葵子

一升

滑石

寒水石

各一斤

右三味㕮咀以水一斗煮取五升分三服

治胞轉小便不得方

蔥白

四七莖

阿膠

一兩

琥珀

三兩

車前子

一升

右四味㕮咀以水一斗煮取三升分三服

又方阿膠三兩水二升煮取七合頓服

又方豉五合以水三升煮數沸頓服之

又方麻子煮取汁頓服之

又方連韜關燒灰水服之

又方筆頭燒灰水服之

又方燒死蜚蠊二枚末水服之

又方內白魚子莖孔中

又方酒和猪脂雞子大頓服之

治腰痛小便不利苦胞轉方

灸玉泉七壯穴在關元下一寸大人從心下度取八寸是玉泉穴小兒斟酌以取之 又灸第十五椎五十壯 又灸臍下一寸 又灸臍下四寸各隨年壯

三焦脉論第四

論曰夫三焦者一名三關也上焦名三管反射中焦名霍亂下焦名走哺合而為一有名無形主五臟六腑往還神道周身貫體可聞不可見和利精氣決通水道息

氣腸胃之間不可不知也三焦名中清之腑別號玉海
水道出屬膀胱合者雖合而不同上中下三焦同號為
孤腑而榮出中焦衛出上焦榮者絡脉之氣道也衛者
經脉之氣道也其三焦相形厚薄大小並同膀胱之形
云

三焦病者腹脹氣滿小腹尤堅不得小便窘急溢則為
水留則為脹候在足太陽之外大絡在太陽少陽之間
亦見于脉取委陽

小腹腫痛不得小便邪在三焦約取太陽大絡視其結
脉與厥陰小絡結而血者腫上及胃管取三里

三焦脹者氣滿於皮膚殼殼而不堅疼

一云殼殼而堅

久欬不已傳之三焦欬而腹滿不欲飲食也手少陽之
脉起於小指次指之端上出兩指之間循手表腕出臂
外兩骨之間上貫肘循臑外上肩而交出足少陽之後
入缺盆交膺中散絡心胞下隔徧屬三焦其支者從膺
中上出缺盆上項俠耳後直上出耳上角以屈下額至

頰其支者從耳後入耳中出走耳前過客主人前交頰
 至目兌皆是也動則病耳聾輝輝焯焯噤腫喉痺是主
 氣所生病者汗出目兌皆痛頰腫耳後肩臑肘臂外皆
 痛小指次指不用為此諸病盛則瀉之虛則補之熱則
 疾之寒則留之陷下則灸之不盛不虛以經取之盛者
 人迎大再倍於寸口虛者人迎反小於寸口也

三焦虛實第五

論方
灸法

論曰夫上焦如霧

霧者霏霏起上也

其氣起於胃上管

難經甲一巢源

口作上並咽以上貫膈布胃中走腋循足太陰之外而行
還注於手陽明上至舌下注足陽明常與榮衛俱行於
陽二十五度行於陰二十五度為一周日夜五十周身
周而復始大會於手太陰也主手少陽心肺之病內而
不出人有熱則飲食下胃其氣未定汗則出或出於面
或出於背身中皆熱不循衛氣之道而出者何也此外
傷於風內開腠理毛蒸理泄衛氣走之固不得循其道
此氣慄悍滑疾見開而出故不得從其道名曰漏氣其

病則肘攣痛食先吐而後下其氣不續膈間厭悶所以
飲食先吐而後下也寒則精神不守泄下便痢語聲不
出若實則上絕於心若虛則引氣於肺也

澤瀉湯通脉泄熱治上焦飲食下胃胃氣未定汗出面
背身中皆熱名曰漏氣方

澤瀉

半夏

柴胡

生薑

各三兩

桂心

甘草

各一兩

茯苓

人參

各二兩

地骨皮

五兩

石膏

八兩

竹葉

五合

蓴心

一升

右十二味咬咀以水二斗煮取六升分五服一云水一斗煮

取三升
分三服

麥門冬理中湯治上焦熱腹滿不欲飲食或食先吐而後下肘攣痛方

麥門冬

生蘆根

竹茹

廩米

各一升

萸心五合

甘草

茯苓

各二兩

橘皮

人參

姜蕤各三兩

生薑四兩

白朮五兩

右十二味咬咀以水一斗二升煮取三升分三服

治胸中膈氣聚痛好吐方

右灸厥陰輸穴在第四椎兩邊各相去一寸五分隨

年壯

黃耆理中湯治上焦虛寒短氣不續語聲不出方

黃耆

桂心

各二兩

五味子

桔梗

乾薑

茯苓

甘草

芎藭

各三兩

丹參

杏仁

各四兩

右十味咬咀以水九升煮取三升分為三服

黃連圓治上焦冷下痢腹內不安食好注下方

黃連

烏梅肉

各八兩

桂心

二兩

乾薑

附子

阿膠

各四兩

檳皮

芎藭

黃蘗

各三兩

右丸味為末蜜丸如梧子大飲下二十九加至三十丸

厚朴湯治上焦閉塞乾嘔嘔而不出熱少冷多好吐白沫清涎吞酸方

厚朴

茯苓

芫翦

白朮

玄參

各四兩

桔梗

附子

人參

橘皮

各三兩

生薑

八兩

吳茱萸

八合

右十一味，㕮咀，以水二斗，煮取五升，分為五服。

論曰：中焦如漚。

漚者在胃，中如漚也。

其氣起於胃中管。

難經作中口甲乙巢

源作胃口

在上焦之後，此受氣者，主化水穀之味，祕糟粕，蒸

津液化為精微，上注於肺脉，乃化而為血，奉以生身，莫

貴於此，故獨得行於經隧，名曰榮氣。主足陽明、陽明之

別號曰豐隆在外踝上去踝八寸別走太陰絡諸經之
脉上下絡太倉主腐熟五穀不吐不下實則生熱熱則
閉塞不通上下隔絕虛則生寒寒則腹痛洞泄便痢霍
亂主脾胃之病夫血與氣異形而同類衛氣是精血氣
是神故血與氣異名同類焉而脫血者無汗此是神氣
奪汗者無血此是精氣故人有兩死一死而無兩生刪繁作
猶精神之氣隔絕也若虛則補於胃實則瀉於脾調其
中和其源萬不遺一也

大黃瀉熱湯開關格通隔絕治中焦實熱閉塞上下不通隔絕關格不吐不下腹脹膨膨喘急方

蜀大黃

切以水一升浸

黃芩

澤瀉

升麻

芒硝各三兩

羚羊角

梔子

各四兩

生玄參

八兩

地黃汁一升

右九味咬咀以水七升煮取二升三合下大黃更煮

兩沸去滓下硝分三服

藍青圓治中焦熱水穀下痢方

藍青汁升三

黃連兩八

黃蘗兩四

烏梅肉

地膚子

地榆

白朮各二兩

阿膠兩五

右八味為末以藍青汁和微火煎丸如杏仁大飲服
三九日二七月七日合大良當併手丸之

黃連煎治中焦寒洞泄下痢或因霍亂後瀉黃白無度
腹中虛痛方

黃連

酸石榴皮

地榆

阿膠各四兩

黃蘗

當歸

厚朴

乾薑各二兩

右八味咬咀以水九升煮取三升去滓下阿膠更煎
取烱分三服

治四肢不可舉動多汗洞痢方

右灸大橫隨年壯穴在俠臍兩邊各二寸五分

論曰下焦如瀆

瀆者如溝水決洩也

其氣起下胃管別回腸注於

膀胱而滲入焉故水穀者常并居於胃中成糟粕而俱
下於大腸主足太陽灌滲津液合膀胱主出不主入別
於清濁主肝腎之病候也若實則大小便不通利氣逆

不續嘔吐不禁故曰走哺若虛則大小便不止津液氣
絕人飲酒入胃穀未熟而小便獨先下者何蓋酒者熟
穀之液也其氣悍以滑故後穀入而先穀出也所以熱
則瀉於肝寒則補於腎也

柴胡通塞湯治下焦熱大小便不通方

柴胡

羚羊角

黃芩

橘皮

澤瀉

各三兩

香豉

一升別盛

生地黄

一升

芒硝

二兩

梔子

四兩

石膏

六兩

右十味㕮咀以水一斗煮取三升去滓內芒硝分三服

赤石脂湯治下焦熱或下痢膿血煩悶恍惚方

赤石脂八兩

烏梅二十枚

梔子十四枚

廩米一升

白朮

升麻各三兩

乾薑二兩

右七味㕮咀以水一斗煮米取熟去米下藥煮取二升半分為三服

止嘔人參湯治下焦熱氣逆不續嘔吐不禁名曰走哺

方

人參

姜蕤

黃芩

知母

茯苓各三兩

生蘆根

梔子仁

白朮

橘皮各四兩

石膏八兩

右十味咬咀以水九升煮取三升去滓分三服

香豉湯治下焦熱毒痢魚腦雜痢赤血臍下小腹絞痛

不可忍欲痢不出方

香豉

薤白各一升

黃連

黃蘗

白朮

茵根各三兩

梔子

黃芩

地榆

各四兩

右九味哎咀以水九升煮取三升分三服

治膀胱三焦津液下大小腸中寒熱赤白泄痢及腰脊痛小便不利婦人帶下方

右灸小腸輸五十壯

黃蘗止洩湯治下焦虛冷大小便洞泄不止方

黃蘗

人參

地榆

阿膠各三兩

黃連五兩

茯苓

檉皮各四兩

艾葉一升

右八味㕮咀以水一斗煮取三升去滓下膠消分三

服

人參續氣湯治下焦虛寒津液不止短氣欲絕方

人參

橘皮

茯苓

烏梅

麥門冬

黃耆

乾薑

芫薺各三兩

吳茱萸三合

桂心二兩

白朮

厚朴各四兩

右十二味㕮咀以水一斗二升煮取三升分三服

茯苓圓治下焦虛寒損腹中瘀血令人喜忘不欲聞人語胃中噎塞而短氣方

茯苓

乾地黄

當歸各八分

甘草

乾薑

人參各七分

黃耆六分

芍藥五分

桂心四分

厚朴三分

杏仁五十枚

右十一味為末蜜丸如梧子初服二十九加至三十

丸為度日二清白飲下

伏龍肝湯治下焦虛寒損或先見血後便轉此為近血

或利不利方

伏龍肝

五合末

乾地黄

五兩一方用黃蘗

阿膠

牛膝

一作牛蒡根

甘草

乾薑

黃芩

地榆

各三兩

髮灰

二合

右九味咬咀以水九升煮取三升去滓下膠煮消下

髮灰分為三服

治下焦虛寒損或先便轉後見血此為遠血或利或不

利好因勞冷即發宜續斷止血方

續斷

當歸

桂心

蒲黃

阿膠各一兩

甘草二兩

乾薑

乾地黄各四兩

右八味㕮咀以水九升煮取三升半去滓下膠取烱

下蒲黃分三服

當歸湯治三焦虛損或上下發泄吐唾血皆從三焦起
或熱損發或因酒發宜此方

當歸

乾薑

小薊

阿膠

羚羊角

乾地黄

栝枝皮

各三兩

芍藥

白朮

各四兩

蒲黃

五合

青竹茹

半升

伏龍肝

髮灰

一雞子大

黃芩

甘草

各二兩

右十五味㕮咀以水一斗二升煮取三升半去滓下

膠取烱次下髮灰及蒲黃分為三服

灸法

五臟六腑心腹滿腰背疼飲食吐逆寒熱往來小便不

利羸瘦少氣灸三焦輸隨年壯

腹疾腰痛膀胱寒澀飲注下炎下極輸隨年壯

三焦寒熱炎小腸輸隨年壯

三焦膀胱腎中熱氣炎水道隨年壯穴在俠屈骨相去

五寸 屈骨在臍下五寸屈骨端水道俠兩邊各二寸半

備急千金要方卷六十一

欽定四庫全書

備急千金要方卷六十二 唐 孫思邈 撰

宋 林億等 校正

膀胱腑方

霍亂第六

論 證
方 灸法

論曰原霍亂之為病也皆因飲食非關鬼神夫飽食肥
膾復食乳酪海陸百品無所不噉眠臥冷席多飲寒漿
胃中諸食結而不消陰陽二氣擁而反戾陽氣欲升陰

氣欲降陰陽乖隔變成吐痢頭痛如破百節如解遍體諸筋皆為回轉論證雖小卒病之中最為可畏雖臨深履危不足以諭之養生者宜達其旨趣庶可免於天橫矣

凡霍亂務在溫和將息若冷即遍體轉筋凡此病定一日不食為佳仍須三日少少喫粥三日已後可恣意食息七日勿雜食為佳所以養脾氣也

大凡霍亂皆中食膾酪及飽食雜物過度不能自裁夜

臥失覆不善將息所致以此隕命者衆人生稟命以五臟為主夫五臟者即是五行內為五行外為五味五行五味更宜扶抑所以春夏秋冬逆調理之食啖不可過度凡飲食於五臟相剋者為病相生者無他經曰春不食辛夏無食鹹季夏無食酸秋無食苦冬無食甘此不必全不食但慎其太甚耳諺曰百病從口生蓋不虛也四時昏食不得太飽皆能生病從夏至秋分忌食肥濃然熱月人自好冷食更與肥濃兼食果菜無節極遂逐

冷眠臥冷水洗浴五味更相剋賊雖欲無病不可得也
所以病苦人自作之非關運也書曰非天天人中自
絕命此之謂也

凡諸霍亂忌與米飲胃中得米即吐不止但與厚朴葛
根飲若冬瓜葉飲但沾清咽喉而不可多與若服湯時
隨服吐者候吐定乃止診脉絕不通以桂合葛根為飲
吐下心煩肉熱汗不出不轉筋脉急數者可犀角合葛
根為飲吐下不止發熱心煩欲飲水可少飲米粉汁為

佳若不止可與葛根薺芫飲服之

問曰病有霍亂者何師曰嘔吐而利此為霍亂

問曰病者發熱頭痛身體疼惡寒而復吐利當屬何病
師曰當為霍亂霍亂吐利止而復發熱也傷寒其脉微
澀本是霍亂今是傷寒却四五日至陰經上轉入陰必
利本反下利者不可治也霍亂吐多者必轉筋不渴即
臍上築霍亂而臍上築者為腎氣動當先治其築治中
湯主之去朮加桂心去朮者以朮虛故也加桂者恐作

賁狫也霍亂而臍上築吐多者若下多者霍亂而驚悸
霍亂而渴霍亂而腹中痛嘔而吐利嘔而利欲得水者
皆用治中湯主之

治中湯治霍亂吐下脹滿食不消化心腹痛方

人參

乾薑

白朮

甘草

各三兩

右四味哎咀以水八升煮取三升分三服不瘥頻服
三劑遠行防霍亂依前作丸如梧子大服三十九丸如
作散服方寸匕酒服亦得若轉筋者加石膏三兩

仲景

云若臍上築者腎氣動也去朮加桂心四兩吐多者
去朮加生薑三兩下多者復用朮悸者加茯苓二兩
渴欲得水者加朮合前胡四兩半腹中痛者加人參
合前胡四兩半若寒者加乾薑合前胡四兩半腹滿
者去朮加附子一枚服湯後一食頃
服熱粥一升微自溫勿發揭衣被也

桂枝湯治吐利止而身體痛不休者當消息和解其外

以此湯小和之 方見傷寒篇中

四順湯治霍亂轉筋肉冷汗出嘔哕者方

附子 一兩 人參 乾薑 甘草 各三兩

右四味㕮咀以水六升煮取二升分三服 范注云利甚加龍骨

二兩

四逆湯治多寒手足厥冷脉絕方

生薑

八兩

當歸

芍藥

細辛

桂心

各三兩

大棗

二十五枚

通草

甘草

各二兩

吳茱萸

二升

右九味㕮咀以水六升酒六升合煮取五升分五服

舊方用棗三十枚今以霍亂病法多痞故除之如退

棗八葛根二兩佳霍亂四逆加半夏一合附子小者

一枚惡寒乃與大附子

又方治吐下而汗出小便復利或下利清穀裏寒外熱
脉微欲絕或發熱惡寒四肢拘急手足厥方

甘草

二兩

乾薑

一兩半

附子

一枚

右三味以水三升煮取一升二合温分再服彊
者可與大附子一枚乾薑至三兩

廣濟方若吐後吸
吸少氣及下而腹

滿者加人
參一兩

通脉四逆湯治吐利已斷汗出而厥四肢拘急不解脉

微欲絕方

大附子

一枚

甘草

一兩半

乾薑

三兩強者四兩

右三味咬咀以水三升煮取一升二合分二服脉出

即愈若面色赤者加蔥白九莖腹中痛者去蔥加芍

藥二兩嘔逆加生薑三兩咽痛去芍藥加桔梗一兩

利止脉不出者去桔梗加人參二兩皆與方相應乃

服之

仲景用通脉四逆加猪膽汁湯

竹葉湯治霍亂吐利已服理中四順等湯熱不解者方

竹葉

一握

小麥

一升

生薑

十累

甘草

人參

附子

芍藥

各一兩

橘皮

當歸

桂心

各二兩

白朮

三兩

右十一味，以水一斗半，先煮竹葉、小麥，取八升。

去滓，下藥，煮取三升，分三服。上氣者，加吳茱萸半升。

即瘥，理中、四順湯皆大熱。若有熱，宜竹葉湯。

古今錄驗無芍

藥

甘草瀉心湯治婦人霍亂嘔逆吐涎沫醫反下之心下

即痞當先治其涎沫可服小青龍湯涎沫止次治其痞

可與此方

甘草 四兩

乾薑

黃芩 各三兩

黃連 一兩

半夏 半升

大棗 十二枚

右六味㕮咀以水一斗煮取六升分六服

小青龍湯治婦人霍亂嘔吐方 見第十卷中

附子粳米湯治霍亂四逆吐少嘔多者方

中附子 一枚

粳米 五合

半夏 半升

大棗 十枚

乾薑

仲景方無

甘草

各一兩

右六味以水八升煮藥取米熟去滓分三服

理中散治年老羸劣冷氣惡心飲食不化心腹虛滿拘

急短氣霍亂嘔逆四肢厥冷心煩氣悶流汗扶老方

麥門冬

乾薑

各六兩

人參

白朮

甘草

各五兩

附子

茯苓

各三兩

右七味治下篩以白湯三合服方寸匕常服將蜜丸

如梧子大酒服二十九丸

人參湯治毒冷霍亂吐利煩嘔轉筋肉冷汗出手足指
皆腫喘息垂死絕語音不出百方不效脉不通者服此
湯取瘥乃止隨吐續服勿止并灸之之方

人參

附子

厚朴

茯苓

甘草

橘皮

當歸

葛根

乾薑

桂心 各二兩

右十味呔咀以水七升煮取二升半分為三服

治霍亂蠱毒宿食不消積冷心腹煩滿鬼氣方

右用極鹹鹽湯三升熱飲一升刺口令吐宿食使盡
不吐更服吐訖復飲三吐乃住靜止此法大勝諸治
俗人以為田舍淺近法鄙而不用守死而已凡有此
病即須先用之

治霍亂方

菹豆

香薷

各一升

右二味以水六升煮取二升分服單用亦得

治霍亂洞下不止者方

右用艾一把水三升煮取一升頓服之良

又方香薷一把水四升煮取一升頓服之青木香亦佳
治霍亂吐下腹痛方

右以桃葉煎汁服一升立止冬用皮

治霍亂引飲輒乾嘔方

右用生薑五兩呔咀以水五升煮取二升半分二服

高良薑大佳

杜仲圓治霍亂久將遠行預備方

杜仲

藿香

白朮

橘皮

吳茱萸

乾薑

人參

厚朴

木香

雞舌香

瞿麥

桂心

薄荷

女萎

茴香

右十五味等分為末蜜丸如梧子酒下二十九丸

治霍亂永不發丸方

虎掌

薇銜

各二兩

枳實

附子

人參

檳榔

乾薑

各三兩

厚朴

六兩

皂莢

三寸

白朮

五兩

右十味為末蜜丸如梧子大每服酒下二十九日三武德中有德行尼名淨明患此已久或一月一發或一月再發發即至死時在朝大醫蔣許甘巢之徒亦不能識余以霍亂治之處此方得愈故疏而記之

凡先服石人因霍亂吐下服諸熱藥吐下得止因即變虛心煩手足熱口燥欲得水嘔逆迷悶脉急數者及時行熱病後毒未盡因霍亂吐下仍發熱心胃欲裂者以

此解之方

薺芫

人參

厚朴

知母

桔萋根

茯苓

犀角

藍子

枳實

桔梗

橘皮

葛根

黃芩

甘草

各二兩

右十四味以水一斗煮取三升分為三服

治中熱霍亂暴利心煩脉數欲得冷水者方

右以新汲井水頓服一升立愈先患胃口冷者勿服

之

治霍亂醫所不治祕方

右用童女月經衣合血燒末酒服方寸匕百方不瘥者用之

治霍亂轉筋方

右用蓼一把去兩頭以水二升煮取一升頓服之

作梨

葉

又方燒舊木梳灰為末酒服一枚小者永瘥

又方車轂中脂塗足心下瘡

治霍亂轉筋入腹無奈何者方

作極鹹鹽湯於槽中暖漬之

又方以酢煮青布搦之冷即易

治轉筋不止者方

男子則以手挽其陰牽之女子則挽其乳近左右邊
灸法

論曰凡霍亂灸之或雖未能立瘥終無死憂不可逆灸

或但先腹痛或先下後吐當隨病狀灸之

若先心痛及先吐者灸巨闕七壯在心下一寸不效更灸如前數

若先腹痛者灸太倉三七壯穴在心厭下四寸臍上一寸不止更灸如前數

若吐下不禁兩手陰陽脉俱疾數者灸心蔽骨下三寸又灸臍下三寸各六七十壯

若乾嘔者灸間使各七壯在手腕後三寸兩筋間不瘥

更灸如前數

若嘔哕者灸心主各七壯在掌腕上約中吐不止更灸如前數

若手足逆冷灸三陰交各七壯在足內踝直上三寸廉骨際未瘡更灸如前數

若先下利者灸穀門二七壯在臍傍二寸男左女右一名大腸募不瘡更灸如前數

若下不止者灸大都七壯在足大趾本節後內側白

際肉

若泄利所傷煩欲死者灸慈宮二七壯在橫骨兩邊各

二寸半

橫骨在臍下
橫門骨是

轉筋在兩臂及胃中者灸手掌白肉際七壯又灸臍中

中府巨闕胃管尺澤并治筋拘頭及足皆愈

走哺轉筋灸踵踝白肉際各三七壯又灸小腹下橫骨

中央隨年壯

轉筋四厥灸兩乳根黑白際各一壯

轉筋灸湧泉六七壯在足心下當拇指大筋上又灸足

大趾下約中一壯

轉筋不止灸足踵聚筋上白肉際七壯立愈

轉筋入腹痛欲死四人持手足灸臍上一寸十四壯自
不動勿復持之又灸股裏大筋去陰一寸

霍亂轉筋令病人合面正臥伸兩手著身以繩橫量兩
肘尖頭依繩下俠脊骨兩邊相去各一寸半灸一百壯

無不瘥

肘後云此
華佗法

霍亂已死有暖氣者灸承筋七壯

取繩量圍足從趾至
跟匝摠取等折一半

以度令一頭至跟踏地處
引縫上至度頭即是穴

起死人又以鹽內臍中灸二

七壯

雜補第七

論方

論曰彭祖云使人丁壯不老房室不勞損氣力顏色不
衰者莫過麋角其法刮為末十兩用生附子一枚合之
酒服方寸七日三大良亦可燻令微黃單服之亦令人
不老然遲緩不及附子者又以雀卵和為丸彌佳服之
二十日大效

琥珀散治虛勞百病除陰痿精清力不足大小便不利
如淋狀腦門受寒氣結在關元强行陰陽精少餘瀝腰
脊痛四肢重咽乾口燥食無常味乏氣力遠視眈眈驚
悸不安五臟虛勞上氣滿悶方

琥珀

研

蕪菁子

胡麻子

車前子

蛇床子

菟絲子

枸杞子

菴藺子

麥門冬

各一升

橘皮

肉蓯蓉

松脂

牡蠣各四兩

松子

栢子

荏子各三升

桂心

石韋

石斛

滑石

茯苓

芎藭

人參

杜蘅

續斷

遠志

當歸

牛膝

牡丹各三兩

通草十四分

右三十味各治下篩合搗二千杵盛以韋囊先食服
方寸七日三夜一用牛羊乳汁煎令熟長服令人彊

性輕體益氣消穀能食耐寒暑百病除雖御十女不
勞損令精實如膏服後七十日可得行房久服老而
更少髮白反黑齒落重生

從蓉散主輕身益氣彊骨補髓不足能使陰氣強盛方

肉從蓉

五味子

遠志

甘草

各一斤

生地黄

三十斤
取汁

慎火草

切

楮子

乾漆

各二升

右八味以地黄汁浸一宿出曝乾復漬令汁盡為散

空腹酒服方寸七日三服三十日力倍常雖御十女

無損

禿雞散有房室人常服勿絕方

蛇床子 菟絲子 遠志 防風

五味子 巴戟 杜仲 菝葜
各二兩

右八味治下篩酒服方寸七日二無室勿服

天雄散治五勞七傷陰痿不起衰損者方

天雄 五味子 遠志 菝葜
各一分

蛇床子

菟絲子

各六兩

右六味治下節酒服方寸七日三常服勿止

治陰下濕癢生瘡失精陰痿方

牡蒙

菟絲子

栝子仁

蛇床子

茯苓 各二兩

右五味治下節酒服方寸七日三以知為度

治陰痿精薄而冷方

茯苓

鍾乳

遠志

蛇床子

續斷

薯蕷

鹿茸

各三兩

右七味治下篩酒下方寸七日二欲多房室倍蛇床

欲堅倍遠志欲大倍鹿茸欲多精倍鍾乳

治五勞七傷庶事衰惡方

巴戟天

蛇牀子

天雄

薯蕷

各三分

雄蠶蛾

十枚

五味子

石斛

茯苓

各五分

菟絲子

牛膝

遠志

各二分

右十一味治下篩以酒服方寸七日三

石硫黃散極益房勞嗽虛損方

石硫黃

白石英

鹿茸

遠志

蛇牀子

五味子

天雄

殭蠶

白馬莖

菟絲子

女萎各等分

右十一味治下節酒服方寸七日三無房勿服

又方蘿摩六兩

五味子

酸棗仁

栢子仁

乾地黄

枸杞根皮各三兩

右六味治下節酒服方寸七日三

又方車前子莖葉根治下節服方寸匕彊陰益精

常餌補方

枸杞子 一斤

天雄 三兩

茯苓

石斛

乾薑 各八兩

菟絲子

遠志

續斷 各五兩

乾地黄 十兩

右九味治下節酒服方寸匕日二食無所忌服藥十

日候莖頭紫色乃可行房

治男子陰氣衰腰背痛苦寒莖消少精小便餘瀝出失

精囊下濕癢虛乏服此令人充實肌膚肥悅方

巴戟天
菟絲子
杜仲
桑螵蛸

石斛

右五味等分治下篩酒服方寸七日一常服佳

又方薯蕷
巴戟天
山茱萸
丹參

人參各五分
蛇牀子
五味子各四分
天雄

細辛各三分
桂心二分
乾地黄十分

右十一味治下篩酒服方寸七日二夜一

又方五味子

蛇牀子

各二兩

續斷

牛膝

各三兩

車前子

茯苓

各四兩

右六味治下節酒服方寸七日二

杜仲散益氣補虛治男子羸瘦短氣五臟痿損腰痛不

能房室方

杜仲

蛇牀子

五味子

乾地黄

各六分

茯苓

遠志

各八分

木防已

五分

巴戟天

七分

菟絲子

十分

右九味治下節食前酒服方寸七日二長服不絕佳

從蓉散補虛益陽治陽氣不足陰囊濕癢尿有餘瀝漏

洩虛損云為不起方

又方見前

從蓉

續斷

各八分

蛇牀子

九分

五味子

天雄

薯蕷

各七分

遠志

六分

乾地黄

巴戟天

各五分

右九味治下節酒服方寸七日三凡病皆由醉飽後
或疲極之餘而合陰陽致成此病也

白馬莖圓治空房獨怒見敵不興口乾汗出失精囊下
濕癢尿有餘瀝卵偏大引疼膝冷脛痠目中眵眵小腹
急腰脊強男子百病方

白馬莖

石韋

天雄

遠志

赤石脂

蛇牀子

菖蒲

薯蕷

杜仲

枯萋根

肉蓯蓉

石斛

續斷

牛膝

山茱萸

栢子仁

細辛

防風

各八分

右十八味為末白蜜丸如梧子大酒服四丸日再服
漸加至二十九七日知一月日百病愈

治陰痿方

雄雞肝一具 鯉魚膽一枚

右二味陰乾百日為末雀卵和丸如小豆大吞一九

又方菟絲子一升 雄雞肝三具陰乾百日

右二味為末雀卵和丸如小豆大每服一九日三

又方乾漆 白朮 甘草 菟絲子

茯苓

牛膝

巴戟天

五味子

桂心

各三兩

石南

石龍芮

各一兩

乾地黄

四兩

右十二味為末蜜和丸如梧桐子酒服二十九日三

又方用蜂房灰夜臥傅之

又方用原蠶蛾未連者一升陰乾去頭足毛羽為末白

蜜丸如梧子大每用一九夜臥鹽湯下

又方磁石五斤研清酒三斗漬二七日每服二合日三

夜一

又方常服天門冬亦佳

又方五味子一斤新好者治下篩酒服方寸七日三稍
加至三七無所慎忌食猪魚大蒜大醋盡一劑即得力
百日已上可見功效服藥常令相續不絕四時勿廢功
能自知

又方菟絲子

五味子

蛇牀子

各等分

右三味為末蜜丸如梧子飲服三丸日三

又方蛇牀子

菟絲子

杜仲

各五分

茯苓

八分

五味子 分四

右五味為末蜜丸如梧子每服酒下十四丸日二夜

一

又方蛇牀子 末三兩 菟絲子 汁二合

右二味相和用

又方蛇牀子 茯苓 遠志 各三分 附子 一分

右四味為末以唾和丸如梧子大每用一丸

又方蛇牀子 分三 天雄 遠志 各二分 桂心 一分

無食子 一枚

右五味為末用



備急千金要方卷六十二

總校官中書臣朱 鈐

校對官中書臣胡紹基

謄錄舉人臣張元功

謄錄監生臣劉耀馥